

史
觴



| | | | |
|---|---|---|---|
| | | 二 | 漢 |
| | | 三 | 書 |
| | | 一 | 門 |
| | 九 | 七 | |
| 一 | 〇 | 號 | 類 |
| 入 | 函 | | |
| 冊 | 架 | | |

| | | | |
|---|---|---|---|
| 庫 | 文 | 閣 | 內 |
| 二 | 二 | 漢 | |
| 九 | 三 | 書 | |
| 〇 | 一 | | |
| 函 | 七 | | |
| 一 | 五 | | |
| 七 | 架 | | |
| 架 | 冊 | | |

| | |
|------|----------|
| 內閣文庫 | |
| 番號 | 漢 2317 |
| 冊數 | 15 (2) |
| 函號 | 290 126 |




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





史記卷一

陳留

謝肇淛

著

建安

黃師表

較

黃師正



史記

常儀

常儀司月者也俗訛為嫦娥然帝摯之母亦名
常儀不獨羿妻也

碣石

禹貢有二碣石其一夾右碣石入於海注云在樂浪遼東縣又云在遼西臨遼縣南水中其一太行常山至于碣石則今北平之碣石也

九主

伊尹說湯以九主之事劉向別錄曰九主者法君專君授君勞君等君寄君破君國君三歲社君凡九品圖書其形索隱謂何說無所憑據但三皇五帝及夏禹耳

游靡

耶王南巡狩濟漢膠液舩解沒於水中而崩其右卒游靡長臂且多力從水中拯得王屍周人諱之

逃責臺

周赧王為秦所役逼負責於民無以償乃上臺避之故周人名其臺曰逃責臺

責與債同

餽人

百里奚游困於齊而乞食餽人蹇叔知而收之注餽地名在沛縣

八子

秦孝文王尊母唐八子為太后注八子者妾媵之號

斗食

秦王翦將十八日軍歸斗食以下什推二人從軍注斗食佐史之秩也

蕪方

秦法不得蕪方不驗輒死注民之有方伎者不得蕪兩

寄猥逃嫁

秦始皇會稽頌德文曰夫為寄猥殺之無罪男乘義程女為逃嫁子不得母咸化廉清寄猥者淫於它室也逃嫁者背夫而私奔也

人魚

始皇墓中以人魚膏為燭度不滅者久之人魚鯢魚也似小兒有四足

人頭畜鳴

班固謂秦二世人頭畜鳴即俗所謂人面獸心

是也

鐸椒

鐸椒為楚威王傳為王不能盡觀春秋成敗卒四十章為鐸氏微

噪噉

樂書云雅頌之音理而民正噪噉音呼之聲興

而士奮

權火

秦以十月上宿郊見通權火注烽火也索隱一

作燿燿火官也

族纍施糜

秦巫祠社主巫保族纍之屬荆巫祠堂下巫先司命施糜之屬注族纍二神名施糜主施糜粥之神

公玉帶

漢武帝濟南人公玉帶上黃帝時明堂圖

見知

張湯為廷尉於是見知之法生注吏見知不舉

史解 卷一
劫爲故縱

牢盆

募民自給費因官器作煮鹽官與牢盆注牢廩食也一云價直也

卑梁

楚邊邑卑梁氏之處女與吳邊邑之女爭業二家怒相滅兩國邊邑長相攻吳因而伐楚

魚菽

齊世家田乞請諸大夫曰常之母有魚菽之祭

注言魚豆者示薄陋無所有也

驥屨

魯世家叔孫氏之臣屨救季氏敗公師注左傳

曰驥屨

鹿毛壽

燕世家子之使鹿毛壽說燕王以國讓子之注一作厝毛壽

射天

殷武乙以革囊盛血射之名曰射天宋王偃亦

史記 卷一 五
以帟囊盛血懸而射之命曰射天

吳回

楚世家吳回者重黎之弟爲祝融吳回生陸終
陸終生子六人坼剖而產焉

忍詢

趙世家知伯以酒灌擊母卹群臣請死之母卹
曰君所以置母卹者爲能忍詢伍胥傳亦曰負
爲人剛戾忍詢按詢猶詬也

秫緇

趙世家武靈王謂公子成曰黑齒雕題却冠秫
緇大吳之國也注秫一作鉢綦鍼也緇絳紕也
言其女功鍼縷之麤拙也

上佼

蘇厲遺趙王書曰齊之事王宜爲上佼而今乃
抵臯注佼猶行也

防與先生

楚元王世家贊曰趙任防與先生豈有篡殺之
謀爲天下僂哉注趙人防與公也然其事不可

考

跳驅

劉澤世家澤還兵備西界遂跳驅至長安注馳也

冒絮

絳侯世家太后以冒絮提文帝注頭上巾也

措指

梁世家李太后與任王后爭門措指注措竿也謂指為門扉所竿

侂德

漢武帝策燕王旦文曰母作怨母侂德注侂一作菲廢也薄也按漢書作裴

公戶滿意

燕王旦謀反上使宗正與太中大夫公戶滿意御史二人往燕風喻之注公戶姓滿意名

重射

孫子列傳孫子謂田忌曰君弟重射臣能令君勝注弟且也重射好射也此解非是弟但也重

射出重物與賭射也故下云忌與諸公子逐射千金

時力距來

蘇秦列傳秦說韓王曰天下之疆弓勁弩皆從韓出谿子少府時力距來者皆射六百步之外注谿子出弩又有少府所造時力距來二種弩也又曰韓之劍戟皆出於冥山棠谿墨陽合膊鄧師宛馮龍淵太阿皆陸斷牛馬水截鵠鴈當敵則斬堅甲鐵幕革抉咬芮無不畢具注棠谿以下皆劍名鐵幕以鐵為臂脛衣也革抉以革為射鞬也咬楯也芮繫楯綬也

左建外易

商君列傳趙良謂商君曰今君又左建外易非所以為教也注左建謂以左道建立威權也外易謂在外革易君命也

刺蜚

蘇代列傳令言如循環用兵如刺蜚無注

踧踖徒俱

跌

張儀列傳張儀說韓王曰秦虎賁之士踧踖科
頭貫頤奮戟者不可勝計秦馬之良戎兵之衆
採前跌後蹄間三尋騰者不可勝數注踧踖跳
躍也馬前足採向前後足跌於後言疾走也馬
疾走時一擲而過三尋也

熱啜

張儀說燕王曰趙襄子與代王飲陰告厨人曰
卽酒酣樂進熱啜注謂熱而啜之是羹也

燒掇焚杆

犀首傳犀首說義渠君曰中國無事秦得燒掇

焚杆

一孤切

注燒掇謂焚燒而侵掠也焚杆謂焚

蹂而牽掣也

仇液機郝

穰侯傳趙使仇液之秦請魏冉爲相注戰國策
作機郝盖一人也

襍席

襍疋結反

鄒衍傳鄒衍適趙趙平原君側行襍席注襍報
也謂側行而衣襍席爲敬不敢正坐當賓王之

禮也

牛鼎

同上太史公曰伊尹負鼎而勉湯以王百里奚
餽牛車下而繆公用羈作先合然後引之大道
騶衍其言雖不軌倘亦有牛鼎之意乎按牛鼎
指餽牛負鼎語意甚明而注引函牛之鼎甚無
謂可笑

嘍喏

上烏百反下莊白反

信陵君傳公子曰晉鄙嘍喏宿將注謂多詞句

也正義曰嘍大笑喏大呼

鞬矢

鞬音蘭

信陵君救趙平原君負鞬矢為公子先引注鞬
盛弩矢

砥硯

范睢傳睢上秦王書曰周有砥硯宋有結綠梁
有縣藜楚有和朴此四寶者土之所生良工之
所失也

無注

蹙鞞

烏曷反

蔡澤傳唐舉相澤曰先生曷臯巨肩魁顏感羈
膝攣注曷一作偈其例切謂臯如蝸虫也魁顏顏

貌魁梧也感羈謂臯感眉膝攣謂膝又攣曲也

攝社抱機音紀

魯仲連傳仲連謂新垣衍曰齊湣王亡之魯夷

維子謂魯人曰天子巡狩諸侯辟舍納筦籥攝

社抱機視膳於堂下天子已食乃退而聽朝也

無注

大期

呂不韋傳姬自匿有身至大期生子政注大期

過月也按呂姬既自匿有身而產又偶過期故

子楚不疑此天所以滅嬴祀也索隱謂既云自

匿則生政固當踰常期產期能自由乎可笑

禽鹿視肉

李斯傳斯辭荀卿曰處卑賤之位而計不為者

此禽鹿視肉人面而能疆行者耳注禽鹿猶禽

獸也言禽獸但知視肉而食之

胥人

同上斯說秦王曰胥人者去其幾也注胥人謂胥史小人也去失也言君子見幾小人多失機會也

砒苑

砒音宅

同上十公主叱苑於柱注砒與磔同

袒鞬

張耳傳高祖過趙趙王朝夕袒鞬蔽自上食注鞬者臂捍也

草山

草音蔽

韓信傳信選輕騎二千人人持一赤幟從間道草山而望趙軍注謂依山自覆蔽也

全兵

韓王信傳上被圍白登天大霧漢使人往來胡不覺陳平言上曰胡者全兵請令強弩傳兩矢外嚮徐行出圍注全兵言惟弓矛無雜杖也不能為人

樊噲傳他廣代侯舍人上書曰荒侯市人病不能為人令其夫人與弟亂而生他廣注言不能

行人道也

面雍樹

夏侯嬰傳嬰收載魯元孝惠徐行面雍樹乃馳注大人以面向臨之小兒抱大人頸似懸樹也

肥誅

灌嬰傳嬰破英布別將肥誅按肥姓誅名也漢書作肥銖後漢魯恭傳有肥親

陳平

魏相傳有使掾陳平等劾中尚書按此是宣帝

時陳平也

田文

酈吉傳長安有善相工田文者相魏相韋賢酈吉皆為丞相按此與孟嘗君同姓名

握齟

酈生傳諸將過高陽者數十人酈生問其將皆握齟好苛禮注握齟急促之貌

魁結

椎計

陸賈傳尉他魁結箕倨見陸生注卽椎髻也一

云如字懸其髮而結之也

職志

周昌傳沛公以周昌爲職志注王旗幟之官也

輓輅

婁敬傳敬脫輓輅衣其羊裘注輓牽也輅者鹿車前橫木二人前輓一人後推之

廣柳車

季布傳濮陽周氏髡鉗季布衣褐衣置廣柳車中注喪車也一云大牛車也

樂公社

樂布傳齊人爲布立社號曰樂公社

培生

袁盎傳盎家多恠乃之培生所問占注培姓也培生秦時賢士善術者

陳蔡

陳繹之傳上謂羣臣曰嗟乎以北山石爲椁用紵絮斲陳蔡漆其間豈可動哉注謂斲陳蔡以漆着其間也按漢書無蔡字

戲車

衛綰傳綰以戲車為郎注櫟機轉之類謂能左右起乘也

蟲出

田叔傳趙王齧指出血曰先人失國微陛下臣等當蟲出注如齊桓公死未塋蟲流戶外是也

移德

任安傳衛將軍怒田仁任安曰兩君家自為貧何為出此言鞅鞅如有移德於我者何也注移

猶施也

俞跗

扁鵲傳中庶子曰臣聞上古之時醫有俞跗治病不以湯液醴灑攙石橋引案杭毒慰一撥見病之應因五藏之輸乃割皮解肌訣脉結筋搦髓腦揲荒爪幕漚浣腸胃漱滌五藏鍊精易形注鑱石針也橋引按摩也杭音玩亦謂按摩而玩弄身體使調也毒熨謂毒病之處以藥物熨帖也揲荒膏荒也爪幕以爪決其闌幕也

纏緣

同上陽入陰中動胃纏緣中經維絡別下於三焦膀胱注纏緣謂脈纏繞胃也

尸奪

倉公傳曹山跖之病所以加寒熱者言其人尸

奪尸奪者形弊形弊者不當關炙鏡石及飲毒

藥也無注

諸倩

同上宋建日往四五日天雨黃氏諸倩見建家

京下方石即弄之注倩女壻也

竄

同上韓女病竄以藥注竄薰也

易質

同上年二十是謂易質法不當砭灸無注

註亂註音挂

吳王濞傳漢有賊臣進任姦宄註亂天下無注

引繩批根批步結切根音痕

灌夫傳魏其侯失執亦欲倚灌夫引繩批根生

平慕之後棄之者注批排也言賓客有慕嬰夫
後見其失職而棄之如此者共排退之不與交
如相對挽繩而根括之也

石人

同上太后怒不食日且帝寧能爲石人耶注謂
不如石人得長存也

比余

匈奴傳孝文帝遺单于繡袷綺衣繡袷長襦錦
袷袍各一比余一黃金飾具帶一黃金胥紕一

注比余櫛也具帶要中大帶也胥紕或作犀毗
又作師比帶鉤也

全甲

霍去病傳殺折蘭王斬盧胡王誅全甲執渾邪
王子及相國都尉首虜八千餘級注全甲謂其
足不失落也

塌鞠

同上卒乏糧不能自振而驃騎尚穿域塌鞠注
穿地爲營域也塌鞠打球也

凌孔車

主父偃傳偃方貴幸時賓客以千數及其族死無一人收者惟獨凌孔車收葬之注凌縣在涿孔車姓名也

轅終古

東越傳樓船將軍率錢唐轅終古斬徇北將軍爲禦兒侯注轅姓終古名

涉河

朝鮮傳元封二年漢使涉何誘諭右渠

葆就

西南夷傳上罷西夷獨置南夷夜郎兩縣一都尉稍令犍爲自葆就注令犍爲自葆守而漸脩成其郡縣也

灑沈澹菑

司馬相如傳相如諭蜀文曰夏后氏堙鴻水決流疏河灑沈澹菑東歸之於海注漢書作灑沈澹災灑分也沈深也澹安也

輦車

輦已足切

淮南厲王傳屬王謀以輦車四十乘反谷口注
大車駕馬曰輦

闕門慶忌

儒林傳鄒人闕門慶忌爲膠東內史注姓闕門
名慶忌

茵伏

酷吏傳周陽由與汲黯俱爲伎司馬安之文惡
俱在二千石列同車未嘗敢均茵伏注伏軾也

魚翁叔

同上張湯始爲小吏乾沒與長安富賈田甲魚
翁叔之屬交私注魚姓也

毛摯

同上義縱以鷹擊毛摯爲治注鷲鳥將擊必張

羽毛也

投鋸

音項

同上王溫舒爲方略吏苛察盜賊惡少年投鋸
購告言姦注鋸受投書之器可入不可出

次骨

同上杜周外寬內深次骨注言其用罪深刻至骨

推減

推直追切

同上蜀守馮當暴挫廣漢李貞檀磔人東郡彌僕鋸項天水駱璧推減河東褚廣妄殺京兆無忌馮翊殷周蝮鷲水衡閹奉扑擊賣請何足數哉注減當作成謂推繫之以成獄也

鞫牛

鞫音確

游俠傳朱家衣不完采食不重味乘不過鞫牛

注小牛也

狗中

佞幸傳李延年坐法腐給事狗中注犬監也一

云王獵犬

希鞫鞮

滑稽傳淳于髡謂齊王曰親有嚴客髡希鞫鞮臆侍酒於前注希收衣衷也鞫臂捍也鞫曲也臆與跽同小跪也

奪糈

日者傳賈誼宋忠曰卜而有不審不見奪糈爲人主計而不審身無所處注糈者卜求神之米也言卜之不中乃不見其奪糈米

八名龜

龜策傳一曰北斗龜二曰南辰龜三曰五星龜四曰八風龜五曰二十八宿龜六曰日月龜七曰九州龜八曰玉龜凡八名龜得之者財物歸之家必大富

佗髮

同上求之於白蛇蟠杆林中者齋戒以是譴然狀如有人來告之因以譙酒佗髮求之三宿而後得注佗髮被髮也

涸湯

同上宋元王曰寡人念其如此腸如涸湯注涸沸也

絲灼

同上桀爲瓦室紂爲象郎徵絲灼之務以費民注灼燔也燒絲以當薪務費人也按此解恐未

然

三瓦

同上天尚不全故世為屋不成三瓦而陳之以應之天注陳一作棟居也言為屋不成欠三瓦以應天猶陳列而居之按此解未甚明

盼

音琴

同上足開盼開注謂兆足歛也按盼恐是身體名

數籒

音策

同上卜龜祝曰假之玉靈夫子夫子玉靈荆灼而心令而先知而上行於天下行於淵諸靈數籒莫如汝信今日良日行一良貞注籒即策之別名也

羯羴

音兒一慈已切

貨殖傳代地迫近北夷師旅亟往中國委輸時有奇羨其民羯羴不均注皆健羊名

卮茜

同上素木鐵器若卮茜千石馬蹄躐千注躐尻

史解 卷一
骨也一日口也又曰九竅


洒削

同上洒削薄技也而郅氏鼎食胃脯簡微耳濁
氏連騎注洒削治刀劍也

一 佛異

太史公自序五家之文佛異維太初之元論作
歷書第四注五家謂黃帝顓頊夏殷周之歷佛

悖也



文此丁卯

